

scripta sunt in libro isto. Dicit qui testimonium perhibet istorum. Etiam venio cito : Amen. Veni Domine Jesu. Gratia Domini nostri Jesu Christi cum omnibus vobis. Amen.

## AD VESPERAS.

Capitulum. Jac. j. c

**A**rissimi, omne datum optimum, et omne donum perfectum desursum est, descendens a Patre lumine, apud quem non est transmutatio, nec vicissitudinis obumbratio.

**Hymnus.** Ad regias. 154. **V.** Mane nobiscum Domine, alleluia. **R.** Quoniam advesperascit, alleluia.

**Ad Magnif. Aña.** Vado ad eum \* qui misit me : et nemo ex vobis interrogat me, Quo vadis? alleluia, alleluia.

## Oratio.

**D**eus, qui fidelium mentes unius efficacis voluntatis : da populis tuis id amare quod precipis, id desiderare quod promittis ; ut inter mundanas varietates ibi nostra fixa sint corda, ubi vera sunt gaudia. Per Dominum.

**Commem. de Cruce.** 173.

DOM. IV. POST PASCHA.  
AD MATUTINUM.

**Omnia de Psalterio pro tempore Paschali. 4.**

**Si Lectiones j. Nocturni lectae sunt pridie, quando scilicet in Sabbato praecedenti occurrit Festum SS. Apost. Philippi et Jacobi, in Dominica leguntur Lectiones Feriae ij. sequentis.**

## In I. Nocturno.

Incipit Epistola catholica beati Jacobi Apostoli.

**Leccio j. Cap. j.**

**J**acobus Dei, et Domini nostri Jesu Christi servus, duodecim tribubus, quae sunt in dispersione, salutem. Omne gaudium existimate fratres mei, cum in tentationes varias incidieritis : scientes quod probatio fidei vestrae patientiam operatur. Patientia autem opus perfectum habet : ut sitis perfecti et integri in nullo deficientes. Si quis autem vestrum indiget sapientia, postulet a Deo, qui dat omnibus affluenter, et non improperat : et dabitur ei. Postulet autem in fide nihil haesitans.

**R.** Si oblitus fuero tui,

alleluia, obliviscatur mei dextera mea : \* Adhaereat lingua mea faucibus meis, si non meminero tui, alleluia, alleluia. **V.** Super flumina Babylonis illic sedimus et flevimus, dum recordaremur tui Sion. — Adhaereat.

## Leccio ij.

**Q**UI enim haesitat, similis est fluctui maris, qui a vento movetur et circumfertur. Non ergo aestimet homo ille quod accipiat aliquid a Domino. Vir duplex animo incostans est in omnibus viis suis. Gloriatur autem frater humilis in exaltatione sua : dives autem in humilitate sua, quoniam sicut flos foeni transibit : exortus est enim sol cum ardore, et arefecit foenum, et flos ejus decidit, et decor vultus ejus depéruit : ita et dives in itineribus suis marcescet.

**R.** Vidérunt te aquae, Deus, vidérunt te aquae, et timuerunt : \* Multitudo sonitus aquarum, vocem dederunt nubes, alleluia, alleluia, alleluia. **V.** Illuxerunt coruscationes tuae orbi terrae : vidit et commota est terra. — Multitudo.

## Leccio iij.

**B**eatatus vir, qui suffert tentationem : quoniam cum probatus fuerit, accipiet coronam vitae, quam repromisit Deus diligentibus se. Nemo cum tentatur, dicat quoniam a Deo tentatur : Deus enim intentator malorum est : ipse autem neminem tentat. Unusquisque vero tentatur a concupiscentia sua abstractus, et illuctus. Deinde concupiscentia cum concéperit, parit peccatum : peccatum vero cum consummatum fuerit, generat mortem. Nolite itaque errare fratres mei dilectissimi.

**R.** Narrabo nomen tuum fratribus meis, alleluia : \* In medio Ecclesiae laudabo te, alleluia, alleluia. **V.** Confitebor tibi in populis Domine, et psalmum dicam tibi in gentibus. — In medio. **Gloria Patri.** In.

## In II. Nocturno.

Ex Tractatu sancti Cypriani Episcopi et Martyris, de bono patientiae.

**Leccio iv. Serm. iij. initio.**

**P**e patientia locutus, fratres dilectissimi, et utilitates ejus et commoda praedicaturus, unde potius

incipiam, quam quod nunc quoque ad audiéntiam, vestram patiéntiam vídeo esse necessariam : ut nec hoc ipsum, quod auditis et discitis, sine patiéntia fácere possitis? Tunc enim demum sermo et rátio salutáris efficaciter discitur, si paciénder, quod dicitur, audiátur. Nec invénio, fratres dilectissimi, inter céteras cœlestis disciplínas, quibus ad consequénda divínitas præmia spei ac fidei nostræ secta dirígitur, quid magis sit vel útilius ad vitam, vel majus ad glóriam, quam ut qui præcéptis Domínici obséquio timóris ac devotiónis innítimur, patiéntiam máxime tota observatióne tueámur. Hanc se sectári philosophi quoque profiténtur : sed tam illic patiéntia falsa est, quam et falsa sapiéntia est. Unde enim vel sápiens esse, vel pátiens possit, qui nec sapiéntiam, nec patiéntiam Dei novit?

**R.** In Ecclésiis benedicite Deo, allelúia : \* Dómino de fónibus Israel, allelúia, allelúia. **V.** Psalmum dicite nómini ejus, date glóriam laudi ejus. — Dómino.

**Lectio v. Cap. ij. iij. viij.**  
**N**OS autem, fratres dilectissimi, qui philosophi non verbis, sed factis sumus; nec vestitu sapiéntiam, sed veritate præferimus: qui virtutum consciéntiam magis quam jactántiam nóvimus : qui non lóquimur magna, sed vivimus quasi servi et cultóres Dei : patiéntiam, quam magistéris cœlestibus discimus, obséquibus spiritalibus præbeámus. Est enim nobis cum Deo virtus ista communis: inde patiéntia incipit, inde claritas ejus et dignitas caput sumit. Origo et magnitúdo patiéntiæ Deo auctóre procedit. Diligénda res hómini, quæ Deo cara est. Bonum quod amat, majéstas divína commendat. Si Dóminus nobis et pater Deus est, sectémur patiéntiam Dómini páriter et patris : quia et servos opórtet esse obsequéntes, et filios non decet esse degéneres.

**R.** In toto corde meo, allelúia, exquisivi te, allelúia : \* Ne repéllas me a mandátis tuis, allelúia, allelúia. **V.** Benedictus es tu Dómine, doce me justificatiónes tuas. — Ne.

**Lectio vij.**

**P**ATIéntia est, quæ nos Deo et commendat et servat : ipsa est, quæ iram témperat, quæ linguam frenat, quæ mentem gubernat, pacem custódit, disciplinam regit, libidinis ímpetum frangit, tumóris violéntiam cómprimit, incéndium simultátis extinguit, coércet poténtiam divítum, inópiam páuperum réfovet, tuétur in virgínibus beátam integritatem, in víduis laboriósam castitatem, in conjúctis et maritátis indivíduam caritatem : facit húmiles in próspéris, in advérsis fortes, contra injúrias et contumélias inmites : docet delinquentibus cito ignóscere : si ipse delínquas, diu et multum rogáre : tentatiónes expúgnat, persecutiónes tólerat, passiónes et martyria consúmmat. Ipsa est, quæ fidei nostræ fundaménta fírmiter munit.

**R.** Hymnum cantáte nobis, allelúia : \* Quómodo cantábimus cánticum Dómini in terra aliéna? allelúia, allelúia. **V.** Illic interrogavérunt nos, qui captivos duxérunt nos,

verba cantiónum. — Quómodo. **Gloria.** Quómodo.

**In III. Nocturno.**

**Lectio sancti Evangelii secundum Joánnem.**

**Lectio vij. Cap. xvj.**

**I**N illo témpore : Dixit Jesus discipulis suis : Vado ad eum, qui misit me; et nemo ex vobis interrogat me, Quo vadis? Et reliqua.

Homília sancti Augustini Episcopi.

**Tract. xciv. in Joann.**

**Q**UM Dóminus Jesus prædixisset discipulis suis persecutiónes, quas passuri erant post ejus abscéssum, subjúnxit atque ait : Hæc autem vobis ab iníitio non dixi, quia vobiscum eram : nunc autem vado ad eum, qui me misit. Ubi primum vidéndum est, utrum eis futuras non prædixerit ante passiónes. Sed álii tres Evangelistæ satis eum prædixisse ista demonstrant, ántequam ventum esset ad cœnam : qua perácta, secundum Joánnem ista locútus est, ubi ait : Hæc autem vobis ab iníitio non dixi, quia vobiscum eram.

**R.** Deus cánticum no-

vum cantábo tibi, allelúia : \* In psaltério decem chordárum psallam tibi, allelúia, allelúia. *℟.* Deus meus es tu, et confitébor tibi : Deus meus es tu, et exaltábo te. — In.

*Lectio iij.*

**A**N forte hinc ista sólvitur quæstio, quia et illi eum narrant passióni próximum fuisse cum hæc diceret? Non ergo ab initio, quando cum illis erat : quia jam discessurus, jamque ad Patrem perrecturus hæc dixit. Et ideo étiam secúndum illos Evangelístas verum est, quod hic dictum est : Hæc autem vobis ab initio non dixi. Sed quid ágimus de fide Evangelii secúndum Matthæum, qui hæc eis a Dómino non solum cum jam Pascha esset cum discipulis cœnaturus, imminente passióne, verum et ab initio denuntiáta esse commémorat; ubi primum nominátim duódecim exprímuntur Apóstoli, et ad ópera divína mittúntur?

*℟.* Bonum est confitéri Dómino, allelúia : \* Et psállere, allelúia. *℟.* In decachórdopsaltério, cum cántico et cíthara. — Et Glória Patri. Et.

*Lectio iv.*

**Q**uid sibi ergo vult, quod hic ait : Hæc autem vobis ab initio non dixi, quia vobiscum eram : nisi quia ea, quæ hic dicit de Spíritu sancto, quod sit venturus ad eos, et testimónium perhibiturus, quando mala illa passuri sunt, hæc ab initio eis non dixit, quia cum ipsis erat? Consolátor ergo ille, vel advocátus, (utrúmque enim interpretátur, quod est Græce Paráclitus) Christo ascendente fúerat necessarius : et ideo de illo non díxerat ab initio, quando cum illis erat, quia ejus præsentia consolabántur.

Te Deum laudámus. 20.

## AD LAUDES,

*Añæ et Psalmi de Psalterio. 21.*

*Capitulum. Jacobi j. c*

**C**aríssimi, Omne datum óptimum, et omne donum perfectum desúrsum est, descendens a Patre lúminum, apud quem non est transmutátio, nec vicissitúdinis obumbrátio.

*Hymn. Auróra. 25.*

*℟.* In resurrectione tua Christe, allelúia. *℟.* Cœli et terra læténtur, allelúia.

*Ad Bened. Añæ.* Vado ad eum \* qui misit me : et nemo ex vobis interrogat me, Quo vadis, allelúia, allelúia.

*Oratio.*

**D**Eus, qui fidélium mentes unius éfficis voluntátis : da pópulis tuis id amáre quod præcipis, id desideráre quod promíttis; ut inter mundánas varietátes ibi nostra fixa sint corda, ubi vera sunt gáudia. Per Dóminum.

*Commem. de Cruce. 390.*

## AD TERTIAM.

*Capit. ut ad Laudes. 430.*

*℟. br.* Surréxit Dóminus de sepúlcro, \* Allelúia, allelúia. Surréxit. *℟.* Quia pro nobis pepéndit in ligno. Allelúia, allelúia.

Glória Patri. Surréxit.

*℟.* Surréxit Dóminus vere, allelúia. *℟.* Et apparuit Simóni, allelúia.

## AD SEXTAM.

*Capitulum. Jacobi j. c*

**S**Citis fratres mei dilectissimi. Sit autem omnis homo velox ad audiéndum : tardus autem ad loquéndum, et tardus ad iram. Ira enim viri justitiam Dei non operátur.

*℟. br.* Surréxit Dóminus vere, \* Allelúia, allelúia.

Surréxit. *℟.* Et apparuit Simóni. Allelúia, allelúia.

Glória Patri. Surréxit.

*℟.* Gavisi sunt discipuli, allelúia. *℟.* Viso Dómino, allelúia.

## AD NONAM.

*Capitulum. Jacobi j. d*

**P**ropter quod abjiciéntes omnem immundítiam, et abundantiam malítiae, in mansuetúdone suscipite ínsitum verbum, quod potest salváre ánimas vestras.

*℟. br.* Gavisi sunt discipuli, \* Allelúia, allelúia. Gavisi. *℟.* Viso Dómino. Allelúia, allelúia. Glória Patri. Gavisi.

*℟.* Mane nobiscum Dómine, allelúia. *℟.* Quóniam advesperáscit, allelúia.

## AD VESPERAS.

*Añæ et Psalmi de Dominica. 147.*

*Capit. Caríssimi, Omne ut supra. 430.*

*Hymnus. Ad régias. 151.*

*℟.* Mane nobiscum Dómine, allelúia. *℟.* Quóniam advesperáscit, allelúia.

*Ad Magnif. Añæ.* Vado ad eum \* qui misit me : sed quia hæc locútus sum vobis, tristítia implévit cor vestrum, allelúia.

*Deinde de Cruce. 173.*

## FERIA SECUNDA.

De Epistola beáti Jacóbi  
Apóstoli.

**Lectio j.** **Cap. j. c**

**M**ne datum óptimum, et omne donum perfectum desúrsum est, descéndens a Patre lúminum, apud quem non est transmutatio, nec vicissitudinis obumbratio. Voluntarie enim genuit nos verbo veritatis, ut simus iníitium áliquod creatúre ejus. Scitis fratres mei dilectissimi. Sit autem omnis homo velox ad audiéndum : tardus autem ad loquéndum, et tardus ad iram. Ira enim viri, justitiam Dei non operátur.

**R.** Dicant nunc, qui redempti sunt, allelúia, \* A Dómino, allelúia, allelúia. **V.** Quos redemit de manu inimici, et de regionibus congregávit eos. — A Dómino.

**Lectio ij.**

**P**ropter quod abjiciéntes omnem immundítiam, et abundantiam malítie, in mansuetúdine suscipite insitum verbum, quod potest salvare ánimas vestras. Estóte autem factóres verbi, et non auditóres tantum : fallén-

tes vosmetipsos. Quia si quis audítor est verbi, et non factor : hic comparábitur viro consideránti vultum nativitátis suæ in spéculo : considerávit enim se, et ábiit, et statim oblúitus est qualis fúerit.

**R.** Cantáte Dómino, allelúia : \* Psalmum dícite ei, allelúia. **V.** Afférte Dómino glóriam et honórem, afférte Dómino glóriam nómini ejus. — Psalmum. **G**lória Patri. Psalmum.

**Lectio iij.**

**Q**ui autem perspéxerit in legem perfectam libertátis, et permanserit in ea, non audítor oblivísus factus, sed factor óperis : hic beátus in facto suo erit. Si quis autem putat se religiósus esse, non refrénans linguam suam, sed sedúcens cor suum, hujus vana est religio. Religio munda, et immaculata apud Deum et Patrem, hæc est : Visitare pupíllas, et víduas in tribulatióne eórum, et immaculátum se custodire ab hoc sæculo.

Te Deum. 20.

**Ad Bened. Añia.** Nonne cor nostrum \*ardens erat in nobis de Jesu, dum loquerétur nobis in via? allelúia.

**Ad Magnificat, Añia.** Ego veritátem dico \* vobis : expedit vobis ut ego vadam : si enim non abiero, Paráclitus non véniet ad vos, allelúia.

## FERIA TERTIA.

De Epistola beáti Jacóbi  
Apóstoli.

**Lectio j.** **Cap. ij.**

**R**atres mei, nolite in personarum acceptiône habere fidem Dómini nostri Jesu Christi glóriæ. Etenim si introierit in convéntum vestrum vir áureum ánnulum habens in veste cándida, introierit autem et pauper in sórdido hábitu, et intendátis in eum, qui indútus est veste præclára, et dixeritis ei : Tu sede hic bene : páuperi autem dicátis : Tu sta illic ; aut sede sub scabéllo pedum meórum : nonne judicátis apud vosmetipsos, et facti estis júdices cogitátionum iniquárum?

**R.** In Ecclésiis. 428.

**Lectio ij.**

**A**udíte fratres mei dilectissimi, nonne Deus elégit páuperes in hoc mundo, dívites in fide, et herédes regni, quod

repromísit Deus diligéntibus se? Vos autem exonorástis páuperem. Nonne dívites per poténtiam opprimunt vos, et ipsi trahunt vos ad júdicia? Nonne ipsi blasphemant bonum nomen, quod invocátum est super vos? Si tamen legem perfécitis regálem secúndum Scriptúras: Diliges próximum tuum sicut teipsum : bene fácitis : si autem persónas accípitis, peccátum operámini, redargúti a lege quasi transgressóres.

**R.** In toto corde. 428. cum Glória. Ne repéllas. in fine.

**Lectio iij.**

**Q**uicumque autem totam legem serváverit, offéndat autem in uno, factus est ómnium reus. Qui enim dixit, Non mœchaberis, dixit et, Non occides. Quod si non mœchaberis, occides autem, factus es transgressor legis. Sic loquimini, et sic fácite sicut per legem libertátis incipiéntes júdicári. Júdicium enim sine misericórdia illi, qui non fecit misericórdiam : superexáltat autem misericórdia júdicium.

Te Deum. 20.

**Ad Bened. Añā.** Pax vobis,\* ego sum, allelúia : nolite timere, allelúia.

**Ad Magnif. Añā.** Cum vénerit \* Paráclitus Spíritus veritátis, ille árguet mundum de peccáto, et de justítia, et de iudício, allelúia.

FERIA QUARTA.

De Epístola beáti Jacóbi Apóstoli.

**Lectio j. Cap. ij. c**



Uid próderit, fratres mei, si fidem quis dicat se habere, ópera autem non hábeat? Numquid póterit fides salvare eum? Si autem frater et soror nudi sint, et indigeant victu quotidiano, dicat autem aliquis ex vobis illis : Ite in pace, calefacimini et saturámini : non dedéritis autem eis, quæ necessária sunt córpori, quid próderit? Sic et fides, si non hábeat ópera, mórtua est in semetipsa.

**R.** Deus cánticum. 429.

**Lectio ij.**

**S**ED dicet quis : Tu fidem habes, et ego ópera hábeo. Osténde mihi fidem tuam sine opéribus : et ego ostendam tibi ex opéribus fidem

meam. Tu credis quóniam unusest Deus : Bene facis : et dæmones credunt, et contremiscunt. Vis autem scire o homo inánis, quóniam fides sine opéribus mórtua est? Abraham pater noster nonne ex opéribus justificátus est, ófferens Isaac filium suum super altáre? Vides quóniam fides cooperabátur opéribus illius : et ex opéribus fides consummáta est?

**R.** Bonum est. 430.

**Lectio iij.**

**E**T suppléta est Scriptúra, dicens : Crédidit Abraham Deo, et reputátum est illi ad justítiam, et amicus Dei appellátus est. Vidétis quóniam ex opéribus justificátur homo, et non ex fide tantum? Similiter et Rahab méretrix, nonne ex opéribus justificáta est suscipiens nuntios, et ália via ejícíens? Sicut enim corpus sine spíritu mórtuum est, ita et fides sine opéribus mórtua est.

Te Deum. 20.

**Ad Benedictus, Añā.** Spíritus \* carnem et ossa non habet, sicut me vidétis habere : jam créдите, allelúia.

**Ad Magnif. Añā.** Adhuc multa hábeo \* vobis dicere, sed non potéstis portare modo : cum autem vénerit ille Spíritus veritátis, docébit vos omnem veritátem, allelúia.

FERIA QUINTA.

De Epístola beáti Jacóbi Apóstoli.

**Lectio j. Cap. iij.**



Olite plures magistri fieri fratres mei, sciéntes quóniam majus iudícium súmitis. In multis enim offéndimus omnes. Si quis in verbo non offéndit : hic perféctus est vir. Potest étiam freno circumducere totum corpus. Si autem equis frena in ora mittimus ad consentiéndum nobis, et omne corpus illórum circumfériamus.

**R.** Si oblúus. 426.

**Lectio ij.**

**E**Cce et naves, cum magnæ sint, et a ventis válidis minéntur, circumferúntur a módico gubernáculo, ubi ímpetus dirígentis volúerit. Ita et lingua módicum quidem membrum est, et magna exáltat. Ecce quantus ignis quam magnam silvam incéndit! Et lingua

ignis est, univérsitas iniquitátis.

**R.** Vidérunt te. 427. cum Glória Patri. Multitúdo. in fine.

**Lectio iij.**

**I**ngua constitúitur in membris nostris, quæ maculat totum corpus, et inflámmat rotam nativitátis nostræ inflammáta a gehénna. Omnis enim natúra bestiárum, et vólucrum, et serpéntium, et ceterórum domántur, et dómita sunt a natúra humana : linguam autem nullus hóminum domare potest : inquietum malum, plena venéno mortífero. In ipsa benedícimus Deum et Patrem : et in ipsa maledícimus hómines, qui ad similitúdinem Dei facti sunt. Ex ipso ore procedit benedictio, et maledictio.

Te Deum. 20.

**Ad Bened. Añā.** Obtulé- runt discipuli \* Dómino partem piscis assi, et favum mellis, allelúia, allelúia

**Ad Magnif. Añā.** Non enim loquétur \* a semetipso : sed quæcúmque áudiet, loquétur : et quæ ventúra sunt, annuntiábit vobis, allelúia.

## FERIA SEXTA.

De Epístola beáti Jacóbi  
Apóstoli.

**Lectio j.** Cap. iv.

**N**de bella et lites in vobis? Nonne hinc? ex concupiscéntiis vestris, quæ militant in membris vestris? Concupiscitis, et non habétis: occiditis, et zelátis: et non potéstis adipísci: litigátis, et belligerátis, et non habétis, propter quod non postulátis. Pétitis, et non accípitis: eo quod male petátis, ut in concupiscéntiis vestris insumátis. Adúlteri nescítis quia amicitia hujus mundi, inimica est Dei? Quicumque ergo volúerit amicus esse sæculi hujus, inimicus Dei constitúitur.

**R.** In Ecclésiis. 428.

**Lectio ij.**

**A**N putátis quia inániter Scriptúra dicat: Ad invidiam concupiscit spíritus, qui hábitat in vobis? Majórem autem dat grátiam. Propter quod dicit: Deus superbis resistit, humilibus autem dat grátiam. Súbditi ergo estóte Deo, resistite autem diabolo, et fúgiet a vo-

bis. Appropinquáte Deo, et appropinquábit vobis. Emundáte manus, peccatóres: et purificáte corda, dúplices ánimo. Miseri estóte, et lugéte, et ploráte: risus vester in luctum convertátur, et gáudium in mœrórem. Humiliámini in conspéctu Dómini, et exaltábit vos.

**R.** In toto corde. 428. cum Glória. Ne repéllas. in fine.

**Lectio iij.**

**N**olíte detráhere alterutrum fratres. Qui detráhit fratri, aut qui júdicat fratrem suum, detráhit legi, et júdicat legem. Si autem júdicas legem: non es factor legis, sed iudex. Unus est potest pérdere, et liberáre. Tu autem quis es, qui júdicas próximum? Ecce nunc qui dicitis: Hódie aut crástino íbimus in illam civitátem, et faciémus ibi quidem annum, et mercábimur, et lucrum faciémus: qui ignorátis quid erit in crástino. Quæ est enim vita vestra? vapor est ad módicum patrens, et deinceps exterminábitur; pro eo ut dicátis: Si Dóminus volúerit. Et:

Si vixerimus, faciémus hoc, aut illud.

Te Deum. 20.

**Ad Bened. Aña.** Isti sunt sermónes,\* quos dicébam vobis, cum essem vobiscum, allelúia, allelúia.

**Ad Vesperas, nisi occurrat Festum ix. Lectionum, a Capitulo fit de S. Maria.**

## SABBATO.

De Epístola beáti Jacóbi  
Apóstoli.

**Lectio j.** Cap. v.

**A**Gite nunc dívites, ploráte ululántes in misériis vestris, quæ advénient vobis. Divítie vestræ putrefactæ sunt: et vestiménta vestra a tineis comésta sunt. Aurum, et argéntum vestrum æruginávit: et ærúgo eórum in testimónium vobis erit, et manducábit carnes vestras sicut ignis. Thesaurizástis vobis iram in novíssimis diébus. Ecce merces operariórum, qui messuérunt regiones vestras, quæ fraudáta est a vobis, clamat: et clamor eórum in aures Dómini Sábaoth introívit. Epuláti estis super terram, et in luxúriis enutrístis corda vestra in die occisiónis. Addixístis,

et occidístis justum, et non réstitit vobis.

**Lectio ij.**

**P**atiéntes igitur estóte fratres, usque ad advéntum Dómini. Ecce agricola exspéctat pretiósum fructum terræ, patienter ferens donec accipiat temporáneum, et serótinum. Patiéntes igitur estóte et vos, et confirmáte corda vestra: quóniam advéntus Dómini appropinquávit. Nolíte ingemiscere fratres in alterutrum, ut non judicémini. Ecce iudex ante jánuam assistit. Exémplum accípите, fratres, éxitus mali, labóris, et patientiæ, Prophétas qui locúti sunt in nómine Dómini. Ecce beatificámus eos, qui sustinuérunt. Sufferéntiam Job audístis, et finem Dómini vidístis, quóniam miséricors Dóminus est, et miserátor.

**Lectio iij.**

**A**Nte ómnia autem fratres mei nolite juráre, neque per cœlum, neque per terram, neque áliud quodcúmque juraméntum. Sit autem sermo vester: Est, est: Non, non: ut non sub iudicio decidáti. Tristátur áliquis

vestrum? oret: Æquo animo est? psallat. Infirmatur quis in vobis? inducat Presbyteros Ecclesiæ, et orent super eum, ungentes eum oleo in nomine Domini: et oratio fidei salvabit infirmum, et alleviabit eum Dominus: et si in peccatis sit, remittentur ei. Confitemini ergo alterutrum peccata vestra, et orate pro invicem ut salvemini: multum enim valet deprecatio iusti assidua.

## AD VESPERAS.

Capitulum. Jacobi j. d

**C**arissimi, Estote factores verbi, et non auditores tantum, fallentes vosmetipsos. Quia si quis auditor est verbi, et non factor: hic comparabitur viro consideranti vultum nativitatissuæ in speculo: consideravit enim se, et abiit, et statim oblitus est qualis fuerit.

Hymnus. Ad régias. 154.

℞. Mane nobiscum Domine, allelúia. ℞. Quoniam advesperascit, allelúia.

Ad Magnif. Aña. Usque modo \* non petistis quidquam in nomine meo: petite, et accipietis, allelúia.

## Oratio.

**D**eus, a quo bona cuncta procedunt, largire supplicibus tuis: ut cogitemus te inspirante, quæ recta sunt, et te gubernante, eadem faciamus. Per Dominum.

Commem. de Cruce. 173.

DOM. V. POST PASCHA.

## AD MATUTINUM.

Omnia de Psalterio pro tempore Paschali. 4.

Incipit Epistola prima beati Petri Apóstoli.

Lectio j.

**P**etrus Apóstolus Jesu Christi, electis advenis dispersionis Ponti, Galatiæ, Cappadociæ, Asiæ, et Bithyniæ secundum præscientiam Dei Patris, in sanctificationem Spiritus, in obedientiam, et aspersionem sanguinis Jesu Christi: Grátia vobis, et pax multiplicetur. Benedictus Deus et Pater Domini nostri Jesu Christi, qui secundum misericordiam suam magnam regeneravit nos in spem vivam, per resurrectionem Jesu Christi ex mortuis, in hereditatem incorruptibilem, et immarcescibilem, conservatam in

scibilem, conservatam in cœlis in vobis, qui in virtute Dei custodimini per fidem in salutem paratam revelari in tempore novissimo.

℞. Si oblitus fuero tui, allelúia, obliviscatur mei dextera mea: \* Adhæreat lingua mea faucibus meis, si non meminero tui, allelúia, allelúia. ℞. Super flumina Babylónis illic sedimus, et flevimus, dum recordarémur tui Sion. — Adhæreat.

## Lectio ij.

**I**n quo exultabitis, modicum nunc si oportet contristari in variis tentationibus: ut probatio vestrae fidei multo pretiosior auro (quod per ignem probatur) inveniatur in laudem, et gloriam, et honorem in revelatione Jesu Christi: quem cum non videtis, diligitis: in quem nunc quoque non videntes creditis: credentes autem exultabitis lætitia inenarrabili, et glorificata: reportantes finem fidei vestrae, salutem animarum. De qua salute exquisierunt, atque scrutati sunt Prophetae, qui de futura in vobis grátia prophetaverunt: scrutan-

tes in quod, vel quale tempus significaret in eis Spiritus Christi: prænuntians eas quæ in Christo sunt passiones, et posteriores glorias: quibus revelatum est quia non sibimetipsis, vobis autem ministrabant ea, quæ nunc nuntiata sunt vobis per eos, qui evangelizaverunt vobis, Spiritu sancto misso de cœlo, in quem desiderant Angeli prospicere.

℞. Viderunt te aquæ, Deus, viderunt te aquæ, et timuerunt: \* Multitudo sonitus aquarum, vocem dederunt nubes, allelúia, allelúia, allelúia. ℞. Illuxerunt coruscationes tuæ orbi terræ: vidit, et commota est terra. — Multitudo.

## Lectio iij.

**P**ropter quod succincti lumbos mentis vestrae, sobrii perfecte sperate in eam, quæ offertur vobis, grátiam, in revelationem Jesu Christi: quasi filii obedientiæ, non configurati prioribus ignorantiae vestrae desideriis: sed secundum eum, qui vocavit vos, Sanctum: et ipsi in omni conversatione sancti sitis: quoniam

scriptum est : Sancti éritis, quóniam ego Sanctus sum. Et si patrem invocátis eum, qui sine acceptióne personárum júdicat secúndum uniuscujúsque opus, in timóre incolátus vestri témpore conversámini. Sciéntes quod non corruptíbilibus auro, vel argénto redempti estis de vana vestra conversatióne patrénæ traditiónis : sed pretiósó sanguine quasi agni immaculáti Christi, et incontamináti : præcóginiti quidem ante mundi constitutióne, manifestáti autem novíssimis témporibus propter vos, qui per ipsum fidéles estis in Deo, qui suscitávit eum a mórtuis, et dedit ei glóriam, ut fides vestra, et spes esset in Deo.

**R.** Narrábo nomen tuum frátribus meis, allelúia :  
\* In médio Ecclésiæ laudábo te, allelúia, allelúia.  
**V.** Confitébor tibi in pópulis Dómine, et psalmum dicam tibi in Géntibus. — In médio. Glória Patri. In médio.

In II. Nocturno.

Ex libro sancti Ambrósii Episcopi de fide resurrectionis. **Post medium.**

**Lectio ív.**

**U**óniam Dei mori non póterat sapiéntia, resúrgere autem non póterat quod mórtuum non erat; assúmitur caro, quæ mori posset : ut dum móritur quod solet, quod mórtuum fúerat, hoc resúrgeret. Neque enim póterat esse, nisi per hóminem, resurréctio : quóniam sicut per hóminem mors, ita et per hóminem resurréctio mórtuórum. Ergo resurréxit homo, quóniam homo mórtuus est : resuscitátus homo, sed resúscitans Deus. Tunc secúndum carnem homo, nunc per ómnia Deus. Nunc enim secúndum carnem jam non nóvimus Christum, sed carnis grátiam tenémus, ut ipsum primitias quiescéntium, ipsum primogénitum ex mórtuis novérimus.

**R.** In Ecclésiis benedicite Deo, allelúia : \* Dómino de fóntibus Israel, allelúia, allelúia. **V.** Psalmum dicite nómini ejus, date glóriam laudi ejus. — Dómino.

**Lectio v.**

**P**rimitiæ útique ejúdem sunt géneris atque natúræ, cujus et ré-

**Lectio íj.**

liqui fructus : quorum pro lætióre provéntu primitiava Deo múnera deferúntur; sacrum munus pro ómnibus, et quasi reparátæ quædam liba natúræ. Primitiæ ergo quiescéntium Christus. Sed utrum suórum quiescéntium, qui quasi mortis exsórtes, dulci quodam sopóre tenéntur, an ómnium mórtuórum? Sed sicut in Adam omnes moriúntur, ita et in Christo omnes vivificábuntur. Itaque sicut primitiæ mortis in Adam, ita étiam primitiæ resurrectionis in Christo omnes resúrgent. Sed nemo despéret, neque justus dóleat commúne consórtium resurgéndi, cum præcipuum fructum virtútis expéctet. Omnes quidem resúrgent, sed unusquisque, ut ait Apóstolus, in suo órđine. Commúnis est divínæ fructus cleméntiæ, sed distíctus ordo meritórum.

**R.** In toto corde meo, allelúia, exquisivi te, allelúia : \* Ne repéllas me a mandátis tuis, allelúia, allelúia. **V.** Benedictus es tu Dómine, doce me justificatiónes tuas. — Ne repéllas.

**A**Dvértimus, quam grave sit sacrilégium, resurrectionem non crédere. Si enim non resurgemus, ergo Christus grátis mórtuus est, ergo Christus non resurréxit. Si enim nobis non resurréxit, útique non resurréxit, qui sibi cur resúrgeret, non habébat. Resurréxit in eo mundus, resurréxit in eo cælum, resurréxit in eo terra. Erit enim cælum novum, et terra nova. Sibi autem non erat necesária resurréctio, quem mortis víncula non tenébant. Nam etsi secúndum hóminem mórtuus, in ipsis tamen erat liber inférnis. Vis scire quam liber? Factus sum sicut homo sine adjutório, inter mórtuos liber. Et bene liber, qui se póterat suscitáre, juxta quod scriptum est : Sólvi te hoc templum, et in tríduo resuscitábo illud. Et bene liber, qui álios descénderat redemptúrus.

**R.** Hymnum cantáte nobis, allelúia : \* Quómodo cantábimus cánticum Dómini in terra aliéna? allelúia, allelúia. **V.** Illic interrogavérunt nos, qui captivos duxérunt nos,